

INUIT ATAQATIGIIT

Inatsisartuni



UPA 2017/122
Nuuk, 22 april 2017
Villy Olsvig

Inatsisartut aalajangiiffigisassaattut siunnersuut Naalakkersuisut peqqunneqassasut Island-imi kalaallit sinnisoqarfiannik pilersitsinis-samut, pitsaasumik sanileriinnerup ineriartornera qulakkeerniarlugu Kalaallillu Nunaannut inuiaqatigiinnullu kalaallinut Island-imik suleqateqarnerup sapinngisamik annertunerpaamik pitsaanerpaamillu iluanaarutigisinnaaqqullugu.

(Inuussutissarsiornermut, Suliffeqarnermut, Niuernermut, Nukissiuuteqarnermut Nunanullu allanut Naalakkersuisoq)

Inuit Ataqatigiit-niit iluarismaarpalput nunatsinni ineriartornerup sukkuasup nalaani nunarsuatsinnillu qanimat suleqateqarsinnaanermik annertusaasoqarniarnera, maannamat nunat avannarliit killiit aqutigalugit suleqatigilluartoqarreeraluartoq, taamaattorli suli suleqatigiinneq nukittorsarniarlulgulusooq siiniisoqarfittaarsinnaanermik siunnersuute-qartoqarpoq.

Nuna sanilerisarput ukiuni kingulliunerusuni annertuumik takornariaqarnikkut ajunngitsumik inissisimavoq, tamannalumi nunatsinniit atorluarsinnaanera siunnerfigalugu silaannakkut inunniq assartuussisarnermik suleqateqarnerput suli maannamiit annertunerusumik ingerlanneqartariaqarpoq.

Imaatigullu assartuussinermi manna Royal Arctic Line aammalu Eimskip-ip suleqatigiiler-simanerata avammut nunatta pingaarnertut aningaasarsiutaasa aalisarnermeersut ilaatigut immaqa piaernerusumik nunarsuatta sinnerani pisistunut annunneqarsinnaanerat pingaaruteqarluinnassaaq.

Siunnersuummi atuarneqarsinnaasuni maannamat suleqatigiinnerit arlalippassuit taakkartorneqarsimapput peqqinnissaqarfiup iluaniuppat nunalerinermut pinngortitalerinikkut ilisi-matusarnernut tungappata, tamakku tamarluinnaasa Inuit Ataqatigiit-niit ilassilluarlugu aammalu neriuulluarluta sinnisoqarfeqalernikkut suli suliniutaasimasut annertusarneqarsin-naajumaartut.

Taamatuttaarlu i issittumi naalagaaffit akornanni eqqissinerup piginnarneqarnissaa, SAR aamma imartani uuliakoornernik nakkutiginnittoqartuartarnissaannut suleqatigiinnerit nukit-torsarneqartuannartariaqarput.

Inuit Ataqatigiit annerusumik oqaaseqarfingeqqinnangu siunnersuut taperserparput.

Qujanaq.